

六念損已布施道士及飢寒者天下人民各得其所

七念蠕動致行一切衆生成蒙成就

八念故貸前生今世罪對立功補過

九念家門隆盛宗廟有人世生賢才

十念享受經師不敢中息平等一心廣度一切剋獲上仙白日登天拜見太上未成真

人雲車羽駕和與道合真

復爐

香官使者左右龍虎君侍香諸靈官當令

朝元之所自然生金液丹碧芝英百靈衆真

交會在此香火爐前令學道得道學仙得

仙齋主受福幽顯沾恩十方仙童玉女侍衛

蘭煙傳臣向來所啓速達徑御

太上无極大道至真玉皇上帝御前

出戶

有十二

太上黃籙齋儀卷之十六

太上黃籙齋儀卷之十六

太上黃籙齋儀卷之十七

唐廣成先生杜光庭集

特勅為臣下遷拔中分行道

入戶

各禮師存念如法

衛靈

丹靈朱火 炎霞激風 赤輪剛運

天光八衝 迸威包羅 交變萬方

流金豁落 羣魔滅蹤 辟姦破妖

明耀元功 金符召制 踊雲策龍

謠歌慶會 散花太空 神化冥運

四極安隆 伏御帝前 罔有不恭

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為入意以今

朝元行道願得玉清道炁靈寶妙光下降流

入臣等身中即使玄壇清淨內外成真天無

氛穢地絕妖塵琳琅振響十方肅清萬魔不

干具誠上徹臣所啓速達徑御

太上无極大道至真玉皇上帝御前

各稱法位

上清玄都弟子臣某等同誠上啓

虛无自然元始天尊无極大道太上大道君

高上大道金闕玄元天皇大帝太上老君昊

天王皇上帝十方已得道大聖衆自然至真

靈寶天尊隨機赴感救苦天尊至真諸君丈

人三十六天帝君王虛上帝玉帝大帝東華

南極西靈北真玄都玉京金闕七寶玄臺紫

微上官靈寶至真明皇道君三十六部尊經

玄中大法師三界應感一切真靈臣等伏聞

至道開光先天立化圓方異稟幽顯分途設

繩非誘善之科懸懲沮昇聞之典衆靈主宰

列職司明巨細無遺錙銖畢舉蓋欲使三界

之內庶品之中力善修心除非輟惡垂於經

訓示以懺祈明載格言古今遵奉臣等叨依

妙化復備玄司志惟佐國立功度人濟物况奉詞旨敢不上聞

讀詞

皇帝祗仰

玄慈欽承道典軫懷冥漢思降領休考明具遷拔之科按黃籙懺陳之品臣安靈識爰降絲綸頒信幣以豐嚴錫香花而燭潔臣等式遵臣旨敷列有十二

皇壇四界八方法天象地貢詞誠於三境用祈謝於諸天尊罄丹心以資囑福以今中分行道請法衆等運茲初捨上香

願此香煙騰空徑上供養

无上至真道寶臣等歸身歸命首體投地仰依

太上三尊願以是功德上資社稷尊靈比乾儀而共求宗祧先聖齊道化以常寧耀景十華昇真長樂垂休太寶流福宏基邁周漢之隆昌超夏商而延遠今故燒香歸依

師尊大聖衆至真之德得道之後昇入无形和與道合真

以今中分行道請法衆等運茲二捨上香願此香煙騰空徑上供養

願此香煙騰空徑上供養

无上至真經寶臣等歸身歸命首體投地仰依

太上三尊願以是功德歸流

皇帝伏觀日華騰身益廣睿明辰極飛光彌崇聖壽道德超於羲皞仁聖冠於勛華萬國宅心九圍隨化后妃嬪御欽贊堯慈太子諸王昭敷舜澤公卿臣佐文武職僚各運忠貞

永扶昌祚今故燒香歸依

師尊大聖衆至真之德得道之後昇入无形和與道合真

以今中分行道請法衆等運茲三捨上香

願此香煙騰空徑上供養

无上至真師寶臣等歸身歸命首體投地仰依

太上三尊願以是功德歸流某官即時冥界

三清衆聖開日闕以流光八口高尊敞雲軒而布澤沐浴神識灌鍊形魂湯滌罪瑕和平

究債先亡復裔同沐熏修今故燒香歸依

師尊大聖衆至真之德得道之後昇入无形和與道合真

禮方

懺悔

三啓

鬱鬱家國盛 濟濟經道興 天人同其願 縹緲入大乘 因心立福田 靡靡法輪昇

七祖生天堂 我身白日騰

三禮

等至心稽首禮

太上无極大道

等至心稽首禮

三十六部尊經

等至心稽首禮

玄中大法師

重稱法位

上清玄都弟子臣某謹重伸上啓十二

太上无極大道元始天尊太上大道君太上老君至真自然靈寶天尊隨機赴感救苦天尊三十六部尊經玄中大法師天師君上相

上宰四司五帝三界官屬一切尊靈臣等伏聞萬聖延慈九天垂澤憫三塗之謫役哀六

趣之漂淪一失生津求乘賢域綿綿長夜萬劫無期是以遊觀八門天尊啓濟生之品軫傷三界道君宣度死之科欲使共陟福庭同超欲海真經妙旨佳國化人

皇帝軫念七靈顯頒諭詔按三清之格開九奏之壇油燭香花質心衆聖紋繒法信騰款諸天燒香然燈轉經行道洗心滌慮拜手祈真所期八景神光下照幽陰之府九龍符命徑臨積夜之庭拔度魂儀并離泉曲赦除蒸官前生今世無量劫來積過深尤前克往債或已身所犯或祖世貽殃罪目多端不可憶識或違忤天地負越神明侵害於人損傷於物歿受報對動歷歲年非仗玄功無由解釋因今大齋功德懺拔之緣萬罪千愆咸乞除蕩即使神魂清靜罪惱銷平離苦生天於真悟道至于九玄七世往逝幽靈共沐勝功俱登福路垂祥介祐利及見存上願二象清寧三光融朗風雲叶序妖惡沉零

帝祚無疆

聖躬萬壽三農蕃稔觀分岐合頽之苗四海梯航有天獸奇香之貢后妃嬪御太子諸王匡翊崇宸保寧皇極公卿臣佐文武忠良敷贊九重輯和八表千戈戢戢億兆樂康泊乎水陸龍神飛沉庶類齋功所被惠澤所覃海外寰中齊臻壽域上明天尊大慈之澤下訓等懺謝之誠謹啓以聞

發願

- 一願大道淡泊虛無安閑空寂澄清自居廣開法門教導頑夫皆蒙惠澤精苦是修預以同學普得昇虛與天相保長存無憂
- 二願諸天結炁澄清高虛廣覆保真固靈氣候調節四運和平國安民豐普天閑寧廣濟一切惠逮有生保劫長存億劫不傾
- 三願土地覆載無窮安平不陷海淪不崩保鎮家國兆民興從養生安死惠周十方禾稼滋植管運日豐咸得厚載萬類皆從
- 四願日月二景高明無有薄蝕虧盈安清光

照諸天洞消暗冥保固劫運世祚和平普加潤澤惠灑衆生

五願星辰與日齊光轉燭照耀朗映十方各安其位經緯直行保鎮家國無有災傷四海寧一普天興昌

六願四時隨節推遷具氣和調無有災患疫毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱則無爲散則彌天神仙同居結友衆真惠流一切興國愛民普濟羣生人同劫年

八願風雨流灑無窮普加施泄受其發揚萬物滋生國儲民豐

九願五嶽各安其方魏魏包藏長爲仙宮安鎮國祚保天無終護度一切莫不仰宗

十願江海蕩蕩太極含容恢廓無細不植淵奧柔惠潤加蟠息天人獲慶年同劫石

十一願帝王國土日昌四鎮安睦兵革不揚天人歌唱吉日來翔敷教濟濟威化洋洋兆民稱慶長樂未央

十二願壇飛蠢動已生未生成蒙安全普得

生成皆見元炁受陽之形草木果林經冬  
不零一切濟度靡不鮮榮和與道合真

復爐

香官使者左右龍虎君侍香諸靈官當今  
朝元之所自然生金液丹碧芝英百靈眾真

交會在此香火爐前令臣學道得道求仙得  
仙齋主受福幽顯沾恩十方仙童玉女侍衛  
蘭煙傳臣向來所啓速達徑御  
太上无極大道至真玉皇上帝御前

出戶

太上黃錄齋儀卷之十七

第十二

十四

太上黃錄齋儀卷之十八

唐廣成先生杜光庭集

特勅為臣下遷拔落景行道

入戶

各禮師存念如法

衛靈

五星高耀 瑞炁飛浮 元始集神

天地交周 玉符寶節 嘯命微幽

擲火揚威 奸山無留 萬魔振伏

紛葩却消 摧怪伐惡 道炁同流

神光照夜 陰翳俱收 萬仙降格

扇景乘颺 羣生咸遂 惠遍神州

鳴法鼓二十四通

无上三天玄元始三炁太上老君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為入意以今

晚朝行道願得玉清道炁靈寶妙光下降流

入臣等身中即侍玄壇清淨內外成真天無

第十二

十五

氛穢地絕妖塵琳琅振響十方肅清萬魔不  
干真誠上徹今臣所啓速達徑御

太上无極大道至真玉皇上帝御前

各稱法位

上清玄都弟子臣某等謹同誠上啓

虛无自然元始天尊无極大道太上大道君

高上大道金闕玄元天皇大帝太上老君昊

天王上帝十方已得道大聖衆至真自然

靈寶天尊隨機赴感救苦天尊至真諸君丈

人三十六天帝君玉虛上帝玉帝大帝東華

南極西靈北真玄都玉京金闕七寶玄臺紫

微上官靈寶至真明皇道君三十六部尊經

玄中大法師五老上帝三元君天地水三官

考校罪福應感真靈臣等伏聞善惡無形惟

人所兆報應無爽猶響隨聲今古循環吉凶

攸繫所以北官主死南昌領生天地神明詮

功紀過洪纖備舉毫末無遺得不惕勵兢懷

仰遵玄戒由是至真大道无上法玉寶經垂

告謝之儀金簡有懺祈之旨一心首悔萬罪

頭銷